

C V R E T
QVOMODO CHRI-
 stianum Ccncilium debeat
 esse LIBERVUM.

Item de coniuratione
 Papistarum.

Quæ in tenebris dixisti, in lumine au-
 dientur, & quod in aurem locu-
 ti estis in conclusibus, prædi-
 cabitur in tectis. Luc. 12.

1537.

CVR ET QVOMODO
CHRISTIANVM CONCI-
lium debeat esse LIBERVM.



VM P A V L V S
huius nominis ter-
tius, Pontifex Ro-
manus Concilium
generale hoc anno,
qui est à nativitate
Domini Millesimus
quingentesimus tri-
cesimus seimus,
Mantuae celebran-
dum indixerit, animaduerto nonnullos simplices
homines magnam spem Ecclesiæ reformandæ,
sincerorissq; doctrinæ restituendæ concepisse,
quos tamen pro sua simplicitate rerumq; imperia-
lia, miserabiliter errare, ac periculose falli ne-
quaquam dubito. Nam omnes ubiq; ferè, Iuris
& Theologiæ Doctores, item, Notarij, Abbates,
generales Vicary, ministri & Magistri ordi-
num, Episcopi, Archiepiscopi, Primate, Pas-
triarchæ, & Cardinales omnes, usq; adeo Ro-
mano Pontifici addicti, & in obedientiam atq;
A ij seruitu-

seruitutem illius, iuramentis horrendissimis, ac
palam impys, adacti & constricti tenentur, ut
sperandum non sit, quenquam ex eis pro Christi
gloria, Euangelij ueritate, Ecclesiae puritate, ac
animatorum salute strenue laboraturum. Idq;
propter infinita pericula, qua illis imminent,
si uel sufficie alqua, contempti aut neglecti
iuramenti aspergerentur.

Quæ dum metu Pontificie Tyrannidis
(quam Reges etiam potentissimi exhorrent)
anxie cauent, magis quid Pontifex rugiat, quam
quid Deus approbet, considerant, exceptis pau-
cisimis quibusdam, qui nuper ad Christum, ue-
luti possimmo redierunt, & de erroribus ac
impijs suis iuramentis, uere & ex animo poeni-
tentiam egerunt. Quorum animi tamen perse
imbecilles, magis franguntur opprobrijs eorum,
qui cum eiusdem conditionis, ordinis, atq; digni-
tatis sint, uiolatum illis commune iuramentum
exprobant, atq; ita, quantumuis in conscientia
coram Deo securos, coram mundo tamen pude-
fieri, & pallescere, et perfidae infamiam horrere
cogunt.

Reliqui uero docti, boni & pijs uiri, qui
incorrupte

incorrupte, & secundum uerbun Dei recte iu-
dicare possent, cum sententie de rebus & do-
gmatibus in Christiana religione controversis
dicende sunt, in Concilium nequaquam admit-
tuntur, quum soli digni essent, & idonei, quibus
tantæ res committerentur.

Quapropter nisi LIBERVM, atq; adeo
uere & yuho ius LIBERVM fuerit Conci-
lium, hoc est, nisi Italia, illicita, impia, & horri-
bilia iuramenta, publice relaxentur, ex animo
contemnuntur, ac prorsus aboleantur, pluresq;
boni, docti & pijs uiri, huiusmodi sceleratis ac
nefarijs iuramentis non contaminati, & infecti,
ad iudicandum admittantur, fieri non potest, ut
ueritas obtineat, & Ecclesie Dei consulatur.
Quis enim non intelligit, talium hominum collu-
sicm, non Christianum esse Concilium, sed ne-
quisimorum Papæ seruorum, contra Christum
& Ecclesiam eius coniuratorum evidens latro-
cinij? Id quod Iohannis Husi, & Hierony-
mi Pragensis indignissime mortes, & publica
pax, cum summo ad omnem posteritatem dedec-
core, uiolata, clarissime testantur.

Vt autem, quod hactenus à me dictum est,

A lij uerum

uerum esse intelliges Christiane lector, & rem
ex aliquo specimine, ueluti leonem ex unguis,
culis, estimare possis, en tibi horrendissimo-
rum aliquot iuramentorum formulas. Vnam
eius, quod scholastici omnium ferme publica-
rum, uel, ut rectius dicam, Papisticarum scho-
larum, qui Doctoris titulum ambiunt, iurare
coguntur, antequam eis LICENTIA (quam
uocant) ad accipienda doctoratus insignia con-
fertur. Alteram eius, quod omnes, auctoritate
Papali, publici notarij, præstant. Tertiam, eius
iuramenti, quod Episcopi electi omnes non mo-
do iurare, uerum etiam in litteras referre, ac
Romanam mittere coguntur, antequam consecren-
tur, idq; subinde pro Pontificia libidine ac ty-
rannide mutatum & aggrauatum.

Quibus perleclis ac diligenter excusis,
facile iudicabis, cur Doctores, quamuis indo-
ctissimi, & Notarij, etiam si nihil aliud sint,
quam stipites, & puri puti asini, item Episcopi,
licet Ecclesie neq; uita, neq; doctrina utiles, in
regno tamen Papæ, reliquis eruditus, bonis,
honestis, graubus, & pjs uiris omnibus, tanto
internallo hactenus preponi, & quasi numina
quædam

quædam coli soleant. Didicerunt enim, unius
horæ momento, artem ipsis questuissimam.
Curiae Romane acceptissimam, sed miseræ, af-
flicte, & oppresse Ecclesiæ pernicioſſimam,
ac uniuersæ recip. exitiosam, PAPAB scili-
et seruire, adulari, diuinos honores tribuere,
ius & fas in gratiam ipsius peruertere, ac omnia
omnium secreta, cum illi commodum est, PRO
DERE. De bonis & integris uiris, qui
in hoc hominum genere reliqui sunt, non lo-
quor.

Simul hoc quoq; intelliges, cur soli qui-
dam indotti & nugaces doctoreculi Sophistæ,
quales multi extant eruditissimi huius seculi
dedecora, pro Papistici regni abusibus, errori-
bus, mendacijs, superstitionibus, heresibus &
idolatrijs defendendis, tanta impudentia, per-
tinacia, atq; uesania (fruſtra tamen) rixen-
tur uerius, quam puguent aut belligerentur,
cum tot alioqui docti & eloquentes uiri, uel
quietant omnino, uel certe sanius ac modera-
tius agent. Nam Iurisconsultorum quo-
rundam, contra uerbum Dei & ministros eius
A iij uirulenta

violentiam, una cum Episcoporum, alioqui effe-
minatissimorum, barbarica scuicia, ex eodem
fonte fluere, quis dubitet?

Sed iam tempus est, ut detestabilissimorum
iuramentorum formulas, hucusq; satis diligen-
ter & insidiose cælatas, è tenebris, tanquam Ca-
cum è spelunca sua in lucem producam, quas
cum detestabiles & execrables (ut sunt) esse
iudicaueris, tum CHRISTVM seruatorem
nostrum predicator, ut Ecclesiæ suæ ipse con-
sulat. Nam ab hac exitiosa coniu-
ratorum caterua, nisi dissoluas-
tur, nihil prorsus boni
sperandum
est.

Sequitur

SEQVITVR

FORMVL A SOLENNIS

iuramenti, quod ij, qui Doctoratum iu-
ris, aut Theologiæ in scholis Papisticis
ambiant, antequam eis licentia ad acci-
pienda Doctoratus insignia con-
fertur, iurare coguntur,
cum annotationibus.

GO. N. SCHOLARIS

E Ingolstatensis Eistetensis diocesis,
ab hac hora inantea & fidelis &
obediens ero Beato b Petro, sanctæ p
& Apostolicæ Romanæ Ecclesiæ, & d
Domino nostro Domino Paulo tertio,
ac eius Successoribus Canonice intran-
tibus. Non ero in Consilio, consensu,
tractatu vel facto, vt e vitam aut
membrum perdant, seu quod contra
alicuius eorum personam vel in ipsis
rum, aut Ecclesiæ f eorundem, seu
sedis Apostolicæ autoritatum, honorum,
privilegiorum, vel Apostolicorum g
Av statuto-

statutorum, ordinationum, reseruationis
num, dispositionum seu mandatorum
derogationem vel praeiudicium, ma-
chinationes vel conspirationes fiant. ¶
Et si ac quoties aliquid horum tractari
sciuero, id ne fiat pro posse impedi-
am, & quanto commode potero i
eidem domino nostro, vel alteri, per
quem ad illius noticiam peruenire po-
sit, significabo.

* Eliam ex secreta confessione, Nam sigillum
confessionis meritis est fucus, quo laicis os oblinuitur.

Consilium quod mihi per se vel num-
cios seu literas creditum sunt, ad eorum
damnum & nemini pandam, ad de-
fendendum & retinendum, I. PA-
PATVM Romanum & regalia
sancti Petri, contra m omnem homi-
nem n adiutor ero, Authoritatem
privilegia & iura quantum in me est
potius o adaugere & promouere,
Statuta, ordinationes, reseruationes, di-
spositiones, & mandata huiusmodi p
obseruare, & eis intendere curabo, q

Legatos

Legatos sedis Apostolicæ honorifice
tractabo, & in suis necessitatibus adiu-
uabo, t Hæreticos & schismaticos
& qui alicui ex dominis nostris & suc-
cessoribus prædictis o rebelles fuerint
t pro viribus perseguar & impugna-
bo. v Sie me Deus adiuet, & haec
sancta Dei Euangelia.

Annotations.

Hanc iuramenti formulam ideo primo
loco ponere uolui, quod sit reliquis omnibus aper-
tior & explicatior. Quippe in qua Papa sine
ullo pudore omnes suas abominationes nomina-
tim approbandas, promouendas, ac defendandas
diligentissime recenseat & exigat. Et est uelut
imago quadam totius regni Papistici artificio-
sissime depicta. In qua ingenium & uafriciem
Romanensem deprehendere licet. Cum enim
plures longe reperiantur Doctores quam Epi-
scopi, regnentq; in scholis publicis, in templis &
concionibus, sintq; Episcoporum Officiales ac
vicarij, principum & liberarum ciuitatum con-
siliarij, facile uiderunt, si eos obnoxios haberent,
corum

corum opera totum Romanum imperium se op-
pressuros esse, quod & factum est. Vnde me-
rito superiore saeculo, nomen Doctorum tam fuit
inuisum, ut si vir nobilis Doctoratum receperisset,
plane degener existimaretur, hodieque in plerisque
ciuitatibus, in Senatum non leguntur.

a Sufficitur eum antea Christo fidelem,
& verbo eius obedientem fuisse, quod cum Pa-
patui aduersetur ex diametro, teclim & per am-
bages illud abiurare, & cum bestia Romana con-
iurare compellitur.

b Non sentit de Petro Apostolo, qui pro-
pter Christum reliquit omnia. Sed de fisticio illo
Petro, sive, ut rectius dicam, Symone, qui am-
plissimum Rome patrimonium habere dicitur
mendacij, fraudibus periuirijs, homicidij, uene-
ficij, ac latrocinij questum, ex meritis furiis,
rapinis & sacrilegijs conflatum.

c Ut nititur Belua, ex Apostolica facere
Romanam, cum Apostoli a sit per totum orbem
diffusa nullaque certo loco alligata.

O tur-

d O turpisimi domini turpiora mani-
pia. Si Christiani essetis, praeter Christum, nul-
lum in regno spirituali dominum agnoscetis,
& omnia uestra essent, etiam Paulus & Cephas,
uos autem Christi. Nunc que dementia est,
quod uos ipsis uestra sponte in seruitutem morte
grauorem deditis Antichristo & cui dum serua-
tis, omnium abominationum, que Romae perpe-
trantur, reos uos ipsis constitutis.

e Vides, ut Bestia illa Romana, non mo-
do seipsum uerum etiam uilissimam sui partem,
carnem scilicet, plusq; Christum, Euangeliū, &
Ecclesiam diligat, ac cura habeat, ideoq; illis
contemptis, conculcatis, & oppresis sibi suaeq;
uti primum cauet.

f Nota bene, Papa singit & rugit. Ec-
clesiam esse suam, & non Christi. O pastorem,
imo uero furem & latronem. Ecclesia de Chris-
to capite suo, non de Papa persecutore, & op-
presso suo di. it in Cantico canticorum, Dile-
ctus meus mibi, & ego illi.

g Secundo cauet pecuniarum auctupijs,
retribu-

retibus, ac municipis, nam in ijs consistunt ty-
rannidis illius nerui, è quibus delicate & effe-
minata Papistarum uite suppeditatur materies
luxuriae.

b Tu ne miser homuncio impedes, quicq;
quid contra Papam tractabitur? pro posse, inquis,
impediam. Sed age dic, an impedes, etiam si opti-
mo atq; adeo diuino iure fieret? etiam ne si in
bonum Ecclesie uniuersalis & Christianae reip.
uergeret? etiam ne si illi, qui tractant, superiores
tui essent? tuq; illis iuramentum fidelitatis pre-
stisses? & stipendum honestum eo nomine ab
ijsdem acciperes? Deum immortalcm, nihil ho-
rum excipi audio. Nunc nunc Reges intelli-
gite, & Principes eruditimi, qui iudicatis ter-
ram, Et considerate quam fideles consiliarios
huiusmodi Papisticos Doctores existimare debea-
tis, quos Papa, talibus, tam impijs, tamq; horri-
bilibus iuramentis, in uestram perniciem obstrin-
xit & instruxit.

i O perfidientes proditores, & prodito-
rum supproditores, uel ipso Iuda sceleratores.
Nam qualis ille cumiq; fuit, Christum tamen pa-
lam & aperte prodidit, uos occultissime, prodi-
tis, &

ilis, & altissime dissimulatis, ille pœnitentia du-
ctus, pecuniam, prodictionis mercedem, statim re-
tulit, & in templum abiicit. Vos quasi re bene
gesta, uobis ipsi plauditis, & prodictionis uestræ
mercedes dignitates scilicet, prebendas, & pre-
laturas mordicus retinetis, & in eis gloriamini,
& deliciamini, digni, qui etiam sicut Iudas fu-
spendamini.

k Tertio cauet suis occultis & insidiosis
consilijs. Notandum autem, Si Doctor Papi-
sticus iuramentum fidelitatis præstiterit principi
cuidam, uel recip, qui aliquid habeant contra Pa-
pam, tunc aut prodet dominum suum, aut uiolabit
hoc iuramentum. Quale igitur monstrum est
Doctor Papisticus, qui nec fidelis esse potest sine
scelere, nec uir bonus sine periuio?

l Quarto, Tyrannidem suam munire
& stabilire mititur, pro qua conseruanda non
aliter, quam pro aris atq; sociis dimicat, & diui-
na pariter atq; humana omnia commiscet, con-
fundit, ac peruertit. Recte autem uocat Papatum
manum, quia re uera nihil aliud est, quam Pa-
patus, non Apostolatus, ideoq; tantum Romanus,
non

non etiam Christianus. Eodem modo accipienda sunt Regalia Petri, ut quæ non à Christo datta sunt, sed quæ Pontifices, à Regibus uel per dominum, uel per uim abstulerint.

m Etiam ne contra Christum ipsum? Nam & is, ut uerus Deus, ita etiam uerus homo est? Sed quid dubitamus? cum neminem omnino excipiat? Et Christus Papatum nominatim prohibuerit cum diceret, Reges gentium dominantur earum, uos autem non sic? Frustra igitur defenderetur Papatus, nisi etiam contra Christum hominem defenderetur. O portenta, O sceleris, O tartarea furias.

n Etiam ne mendacijs, dolis & fraudibus? etiam ne conspirationibus, proditionibus & seditionibus? etiam ne ueneficijs, cædibus, latrocinijs, iniusto bello? Quid queris? Cum Papa tuus sit contra uerbum Christi, non potest legitime defendi. Quare necesse est, adiutorium & defensorum auxilia omnia illegittima & nefaria intelligi. O coniurationem furijs infernalibus procuratricibus conflatam, in qua Christus non solum abnegatur, uerum etiam apertum ei bellum indicitur.

Quinto,

o Quinto, incrementa sue Tyrannidis molitur. Et nota, quod nullus Doctor, autoritas priuilegia & iura Papæ adaugere potest & realiter & cum effectu, hoc enim nemo potest, nisi donando, aut noua iura condenda, quorum hoc soli Reges & Imperatores possunt, illud autem Doctores, quia tenues, non solent. Reliquum igitur est, ut id non assequantur, nisi iura, & sacras literas peruertendo, & iniquas sententias in iudicijs & Concilijs in gratiam Pape dicendo.

p Sexto, Quieti & securitati sue tyranidis consulit. Cum autem statuta ordinationes, dispositiones, & mandata Pape, plerumq; sint contra uerbum Dei, certum est, quod quisquis in illa meat, Verbum Dei è contrario abiurat. Nemo enim potest duobus dominis seruire.

q Septimo cauet suis satellitibus, tyranidis administris. Et olim sic præscribebat Legatum, quem certum esse cognouero &c. nunc licentia in immensum aucta, sine exceptione legatos omnes adiuuari cogit. Manuult enim falsos iuari, quam certos destitui.

B Ultimo

r Ultimo cauet suis traditionibus, mendacijs, & seductionibus. Nam hæreticos qui vere hæretici sunt, nihil curat, modo tyrannidem eius non ledant. Eos uero solos, ut hæreticos infestatur, qui uitij & erroribus, idolatrijs & blasphemis ipsius obuiam ire, eaq; uerbo Dei oppugnare audent. Sicut etiam schismaticos eos solos appellant, qui nihil numerant, nec tyrannidi eius subiiciuntur. Reliquos autem uere schismaticos, qui dicunt, ego sum Pauli, ego Apollo, ego Cephae, ego Benedicti, ego Dominici, ego Francisci, ego Bernardi &c. insuper Ecclesiam dissensionibus & dissidijs misere lacerant, sicut fecerunt Dominicastri Bernenses, tanquam dilectos filios amplectiunt ac fouet.

s Rebelles uocat, qui in spiritualibus libertatem Christianam, contra Papisticas tradiciones defendunt, & in ciuilibus ius suum quamvis legittime, contra tyrannidem eius obtinere & tueri intentur. Nam qui uere Christo & Ecclesiæ rebelles sunt, hoc est, mandata eius, scientes & prudentes peccatis conculcant, apud cum sunt in precio.

t Quatum audio. Doctores Papistici non

non disputando, non ius enucleando, non sacras literas docendo, non iustas sententias, in iudicij & concilij dicendo, hæreticos, schismaticos, & rebelles, uincere & ad meliorem mentem reducere debent. Nihil enim horum contra eos, quos Papa mendaciter hæreticos pronunciat, fieri potest, cum ius diuinum, & uerbum Dei habeant pro se, sed uiribus, ut audis, uiribus inquam, persequendos & impugnandos esse censem. Cum autem eiusmodi Doctoribus, apertum & legitimum bellum gerere non licet, non uideo, quomodo uiribus persequi quenquam possint, nisi uel ueeno tollant, uel occulto & infido loatrocincio interficiant. Quid mirum igitur, tantam in regno Papistico esse ueneficorum, sicariorum, & latronum segetem, cum Doctores Papistici quoque nihil aliud sint (quantum ex hoc quidem iuramento appareat) quam uenefici, percussores, sicarij, & latrones coniurati.

u O te terq; quaterq; miserum, sceleratum, & desperatum, qui ita iuras. O infelices parentes tuos, qui suis te facultatibus & sumptibus in hoc aluerunt, ut anime tuæ salutem tam impie deuoueres. Si enim hoc iuramentum

B ij conseruare

conseruare uoles, contra Christum, pro Anti-
christo militabis, sacramenti quo in Baptismo ini-
tiatus & obligatus es, proditor factus. Si uero
non, nec Deum adiutorem, nec Euangeliū eius,
salutis medelam te habere uelle consentis. Qua-
re expurgescere tandem, & quanto in periculo
uerteris uide, poenitentiam age, Deumq; prece-
re, ut editio suo prætorio, te in integrum resti-
tuat, & iuramentum tam sceleratum aboleat,
atq; æterna obliuione obruat, ne in æternum
condemneris, A M E N.

Finis Annotationum.

Hic primum admonitos esse uolo, non modo
eos Doctores, qui Doctoratus insignia in ijs scho-
lis acceperunt in quibus talia iuramenta non exi-
guntur (ut sunt hoc tempore, in Germania Vite-
berga & Tubainga, in Anglia omnes, & in Italia,
si modo uera est fama una & altera, ob hoc uere
ſcelices) uerum etiam eos, qui etſi fraude ac do-
lis Papistarum circumuenti & irretiti hoc iura-
mentum uel iniuti, uel imprudentes praſtiterunt,
nunc tamen ceu impium & execrandum, ex ani-
mo contemnunt ac negligunt, idq; dictis ac factis
palam præſerunt, hos inquam omnes, admoni-
tos esse

tos esse uolo, nihil corum que hic dicuntur, ad eos
pertinere.

Deinde reliquos bonos ac pios uiros omnes
rogatos uolo, ne talium quenq; ob Doctoris titu-
lum, aut tale iuramentum præſtitum contemnere,
sed potius amare, aut ecce errato ueniam dare
uelint. Sunt enim laude & amore digni, qui eru-
ditionem utilē & necessariam, cum publica au-
toritate coniunxerunt, si modo eam ad gloriam
Dei, & reip. commoda referunt, & non ad tyran-
nidem Papæ ſtabilicandam conferunt. Qui n potius
totā inuidiam & execrationem huius horrendae
& abominande coniurationis, in eis tantum Do-
ctores deriuunt, qui, ut scientes & prudentes iu-
rarunt, ita etiam in proposito conseruandi tam
detestabile iuramentum perſiſtunt, & omnem fu-
am uirulentiam, contra oriens Euangeliū, pro
idolo ſuo Ramano effundunt.

Cæterum si quis post hac, cum iam de ista
abominatione admonitus & certior factus est,
sciens prudensq; iurarit, is nihil cauſa fingere po-
terit, quo minus uir pestilens, abominabilis, & ex-
ecrabilis habendus fit, à bonis & pijs omnibus.
Proinde caue, nescis n. quid uesper seruus uehat.

B ij sequitur

SEQ^VITVR FORMVLA IVRA^A
menti, quod Notarij publici à Papa creati,
præstare coguntur, magna ex parte
cum superiore consentiens.

EGO. N. ac hac hora in ante fidelis ero
beato Petro & sanctæ Romanæ Ecclesiæ, ac do-
mino nostro, domino Iulio Papæ secundo, suisq;
successoribus Canonice intrantibus. Et non ero
in Consilio, auxilio, consensu, uel facto, ut uitam
perdant, aut membrum, uel capiantur mala ca-
ptione. Consilium quod mihi per se, uel lite-
ras, aut nuncium manifestabunt, ad eorum de-
mnum scienter nemini pandam. Si uero ad
mei noticiam aliquid deuenire contigerit, quod
in periculum Romani Pontificis, aut Ecclesiæ
Romanæ uergeret, seu graue damnum, illud pro-
posse impediam. Et si hoc impedire non possum,
procurabo bona fide, id ad noticiam præfati dos-
mini nostri Papæ deferri. PAPATVM Roma-
num & regalia sancti Petri, ac iura ipsius Eccle-
sie. ★ Specialiter, si qua eadem Ecclesia in ci-
uitate, uel terra, de qua oriundus sum, habeat, ad-
iutor eis ero, ad defendendum, retinendum & re-
cuprandum contra omnes homines. Tabellio
natus

natus officium fideliter exercebo, contractus, in
quibus exigitur consensus partium, fideliter fa-
ciam, nihil addendo uel minuendo, nisi de con-
senso partium, quod substantiam immutet. Si
uero ad conficiendum aliquod instrumentum uni-
us solius partis sit requirenda uoluntas, hoc ipsum
faciam, aliquem contractum in quo ego sciam
uitum uel fraudem interuenire, non conficiam.
Contractus in Protocollum redigam, et post
quam redegero, maliciose non differam, contra
uoluntatem illorum, quorum intererit super eo
publicum confidere instrumentum, saluo meo
iusto Salario. Sic me Deus adiuet, & hæc
sancta Dei Euangelia.

★ Hoc iuramentum, præter alias abo-
minationes, quas habet cum superiore commu-
nes, duas complebitur proprias ac nouas,
vnam quod specialiter contra patriam iurare
cogitur, quod est magna impietas. Alteram
quod Papatu uel alijs magis Papisticis amisis, de
recuperatione mentionem facit, q; est incredibilis
pertinacia, contra Christum, & uerbum eius.
Ille enim solus Papatum, per uerbum & spiri-
tum suum destruct.

B iiiij Sequitur

SEQ VITVR VETVS FORMVLA
iuramenti Episcoporum, & ponitur in Decre-
talibus de iure iurando. C. Ego.

* EGO, N. Episcopus ab hac hora in ante &
fidelis ero S. Petro, sancto &c; Apostolicæ Romane
Ecclesie, dominoq; meo. N. Papæ, eiusq; successo-
ribus Canonice intrantibus. Non ero neq; in con-
silio, neq; in facto, ut uitam perdat, aut membrum,
uel capiatur mala captione. Consilium quod mihi
aut per se, aut per literas, aut per nuncium mani-
festabit, ad eius damnum nulli pandam. Papatum
Romane Ecclesie, & regulas sanctorum patrum
adiutor ero ad defendendum & retinendum
(salvo ordine meo) contra omnes homines. Vo-
catus ad Synodus nemiam, nisi præpeditus fuero
canonica præpeditione. Legatum Apostolicæ
sedis, quem certum esse cognouero, in eundo &
redundo honorifice tractabo, & in suis neces-
itatibus adiuuabo. Limina Apostolorum singulis
annis, aut per me, aut per certum nuncium uis-
tabo, nisi corum absoluar licentia. sic me Deus
adiuuet, & haec sancta Dei Euangelia.

* Consentit & hoc iuramentum magna ex parte
cū vrimo. Et habet peculiarem clausulam, de limi-
nib. apostolorū quotannis uisitandis eius intelligen-
tiam

tiam quare post proximum iuramentum.

Cum cernerem Doctores, ad tam horribile
iuramentum adigi, ceipi dubitare, num Papa contentus esset hoc tempore, supra scripto iuramento
Episcoporum, hanc dubitationem meam, deinde
auxit, glosa super uerbo, Singulis annis iudicato.
C. Ego, ubi additur, uel rarius, iuxta chirographū
suum, Inspxi igitur Pontificiale, & librum cere
moniarum, ubi certo deprchendi, eos iurare, iuxta
rescriptum Papæ, cuius tamen tenor, in neutro ex
primebatur. Rogau igitur amicos pios & do-
ctos, etiam apud exteris nationes, ut mihi fide di-
gnum exemplar eius iuramenti communicarent.
Quod & factum est. Id autem bona fide, de uer-
bo ad uerbum, subiiciendum putavi.

SEQ VITVR FORMVLA RECEN-
tior iuramenti Episcoporum.

In Dei nomine, Amen. Ego, N. electus. N.
Episcopus, ab hac hora in ante fidelis ero & obe-
diens, beato Petro, sancto &c; Apostolicæ Romane
Ecclesie, & domino nostro, domino Hadriano
Papæ sexto, suisq; successoribus canonice intran-
tibus. Non ero in Consilio, aut consensu, uel
facto, ut uitam perdant, aut membrum, seu capian-
tur, aut in eos uolenter manus quomodolibet in-
tergerantur.

gerantur, uel iniuriæ aliquæ inferantur, quo quis
questo colore. Cōsiliū uero quod mihi credituri
sunt, perse, aut nuncios, seu literas, ad eorum da-
mnum, me sciente, nemini pandam. PAPATVM
Romanum, & regalia sancti Petri, adiutor eis
ero ad retinendum, & defendendum contra oēm
hominem. Legatum Apostolicæ sedis in eundo ex-
redeundo honorifice tractabo, & in suis necessita-
tibus adiuuabo. Iura, honores, privilegia, & au-
toritatem Romanæ Ecclesie domini nostri Papæ,
& successorum predicatorum conseruare, defen-
dere, augere & promouere curabo. Nec ero in
consilio, in facto, seu in tractatu, in quibus contra
ipsum dominum nostrum, uel eandem Romanam
Ecclesiam aliqua sinistra, uel preiudicia laria per-
sonarum, iuris, honoris, status, & potestatis eorū
machinentur, & si talia à quibusdam tractari no-
uero, uel procurari, impediam hoc pro posse, &
quantocius potero, commode significabo eidem do-
mino nostro, uel alteri, per quem ad ipsius notitiā
posit peruenire. Regulas sanctorum patrum,
decreta, ordinationes, sententias, dispositiones, re-
seruationes, prouisiones, & mandata apostolica,
totis uiribus obseruabo, & faciam ab aliis obser-
uari. Hæreticos, schismaticos, & rebelles domino
nostro, uel successoribus predictis, pro posse per-
sequar

sequar & impugnabo. Vocatus ad Synodum,
ueniam, nisi præceditus fuero canonica præpedi-
tione. Apostolorū limina, Romana curia existente
citra, singulis annis, ultra uero montes singulis
trienniis uisitabo, aut per me, aut per meum nun-
ciū, nisi apostolica absolver licentia. Possessiones
uero ad mensam meam pertinentes, non uendam,
neq; donabo, neq; impignorabo, neq; de nouo in-
feudabo, uel aliquo modo abalienabo, etiam cum
consensu Capituli Ecclesie meæ, in consulto Ro-
mano pontifice. Sic me Deus adiuuet, & hec
sancta Dei Euangelia.

Vides Christiane lector, hoc iuramentum
Episcoporum, grauius etiam & atrocius esse, q̄
iuramentum illud doctorum. Quare nihil mirum,
si docti & prudentes canonici, episcopatum ul-
tro etiam oblatum repudient, aut si suscipiant,
præstito hoc iuramento, plane in bestias degene-
rent. Quantum enim abest à peccato in spiritum
sanctum, si quis Papistiarum abominationum nō
ignarus, tale tamen iuramentum sciens & pru-
dens præstare non dubitat?

Habet autem admirabilem articulum de
uisitandis liminibus Apostolorum. Q̄d primum
in hoc

in hoc ualeat, ut si Episcopi nimium uiuaces diutius obstant, quo minus pallia, sepe redimantur, negata licentia omittendæ huius uisitationis, uel in tunc moriantur, uel Romæ uencio tollantur, uel si non uenerint, ut periuri deponantur.

Deinde, ut omittendi licentiam, quamdiu Romanensibus commodum uidetur, quotannis pecunia numerata obtineant, pro qua, ne semel in uniuersum transigant, sed quotannis noua pecunia multentur, etiam per nuncios uisitare permituntur, ex quibus deinde Romanenses nebulones omnia quælibet expiscatur, maxime optimas prebendas, quas cum uacauerint, Papa suis stabularijs donet.

Postremo, quod est omnium indignissimum, hoc iuramento omnes Episcopi circumuenti, capti, et intricati, sub Antichristo, tyranno omnium detestabilissimo in grauissimam, et prorsus inex-
plicabilem seruitutem pertrahuntur. Nam nullus Episcoporum hunc articulum implere potest, retinentibus eum, uel grauibus negotijs, uel corporis infirmitatibus, uel itineris, et bellorum periculis. Cogitur ergo relaxationem iuramenti a Papa petere, quod dum facit, non modo uerbis, uerum etiam re ipsa confitetur, Papam habere potestatem

potestatem relaxandi omnia iuramenta, hoc autem Romanus pontifex cupide amplectitur, quippe qui hunc articulum in hoc excogitauit. Et si deinde Episcopus aliquis, Romanae tyrannidi, qua opprimitur, contra dicat, et ei modum aliquem statuere nitatur, excommunicatur, deponiatur, et subditis eius iuramentum obedientie relaxatur.

Porro si Episcopus contendere uelit, subditos non posse per Papam rite solui ab obedientie iuramento, tum sibi ipse contradicit, seq; ipsum periurum constituit, quippe qui se ipsum quoq; à iuramenti vinculo per Papam liberari posse, credidit et petiit, eaq; liberatione fretus iuramentum sciens et prudens neglexit, et si ignoratniam praetexere uoluerit, sequetur, ut limina Apostolorum quotannis uisitare adhuc teneatur, quod si facit, ad certissimam mortem pergit.

Ergo ut compendio repetam, quisquis hanc clausulam iuravit, cogiur pontificie tyrannidi et libidini per omnia, etiam iniustissima et indignissima obedire, aut liberatis per Papam subditis a necessitate obediendi, ab Episcopatu cedere, aut incurriendo periuri infamiam, se ipsum inhabilem

Inhabilem reddere, aut seruando iuramentum, se se tyranno crudelissimo ad indignum supplicium sistere. O fraudes plusquam satanicas. O Episcopos effemimatos, qui tam crudelem tyrannidem tot annis tam seruiliter pertulerunt, sexcenties potius mori oportuit, quam Ecclesiam tam turpiter deserere, & Antichristo dilacerandam & opprimendam permittere.

Consideret igitur Christianus lector, quid boni ex Concilio Papistico sperandum sit, in quo tales Doctores disputabunt, tales Notarii acta publica conficient, tales Episcopi & Cardinales sententias decisivas dicent. Nam praeter tales, nemo aliis admitti solet, ut clarissime scribitur in libro Ceremoniarum Papisticarum his uerbis.

In Concilijs non legimus interuenisse statuendi causa, nisi Episcopos & Abbates, & hi tantum decretis subscribebant. Episcopos autem appellamus, etiam Episcorum Principes, quoniam haec est suprema in Ecclesia Dei potestas. Inferioris autem gradus Ecclesiasticos viros & Principes saeculares, consulendi ac instruendi gratia, non autem decernendi intererant, qui, ut periti

periti aiunt, consultiuam vocem habent in Concilijs, non definitiuam, seu deliberatiuam.

Aderunt igitur in Concilijs ad statuendum, Romanus Pontifex tanquam rector & moderator totius Ecclesiae, pastor gregis dominici, & omnium Episcorum Episcopus, sacer Cardinalem senatus, Patriarchae, Primate, Archiepiscopi, Episcopi, & Abbates, quibus non immensito, & ordinum religiosorum generales Magistris additi sunt, deniq; omnes Praelati, qui secundum formam iuramenti, quod prestant cum ad dignitates promouentur, ad Synodum uenire tenentur. Alij autem, ut diximus, differendi, instruendi, consulendi causa poterunt interesse, non tamen in sessionibus publicis induiti sacris uestibus sedebunt, neq; sententiam dicent.

F I N I S.

Exurge Domine iudica causam tuam,
Vindica sanguinem seruorum
tuorum qui effusus est,
Amen.

Impressum Vitebergae per
Iosephum Klug.

I S 37.